

» lira. Se un solo soldo per i conti fatti porta trentaseimille ducati
 » all' anno in scarsella al partidante, quattro soldi ghe ne porta certo
 » 144000. Questi i sorte dal popolo de tutta la dominante per en-
 » trar nella sola borsa dell' abboccador del partido : se ze vero, che
 » prezzo eccessivo se deffinisce col pagar de più quello, che se po-
 » derave aver con manco, el passar della carne dai 10. ai 14. nol
 » sarà l' esser un prezzo eccessivo ?

» Più : in tutti i stati ze massima certa, che la libera introdu-
 » zion de un genere ze la promotrice dell' abbondanza dell' istesso.
 » I tre partidi divisi, carne, castrà e vedelo, se avvicina a sta libertà.
 » Da sta division de partidi nasce, che ciaschedun dei tre procu-
 » rando el so maggior interesse proveniente dall' esito maggior del
 » genere darà agevolezza dei prezzi, procurerà robba miglior. Sti
 » tre partidi zè stai sempre divisi, in adesso i è uniti in un solo, e
 » ze in libertà del partidante de far quel che più el vol. Ze nei Stati
 » esteri a vil prezzo el vedelo, no ghè in paese castrà. Schiavi del
 » partidante no podemo servirse de quel che più volemo, ma de
 » quel, ch' el vol ello.

» A sto disordine, che tanto pregiudizio inferendo al nostro po-
 » polo nessun vantaggio porta all' erario, se no ghè rimedio, averò
 » mal parlà : ma se el ghe pol esser, sia la vostra pietà l' apporghelo.
 » Certo è, ch' el partidante nel suo contratto cerca tutte le possibili
 » strade da procacciarse el suo interesse. Debito all' incontro del
 » fisco sarà de salvar l'economia. Salvada questa, el deve avvantag-
 » giar el suo popolo.

» Quattordesimille bò all' anno deve el partido consumar, e per
 » questi con decreto ghe forma una stabile tariffa per tutti i sie anni
 » de 14 soldi alla lira. Sta stabile tariffa, qual vantaggio dala all'e-
 » rario, qual pregiudizio no portela alla nazion ? Quattordesimille
 » bò all' anno deve consumar el partido. Distinguemo prima qual
 » sorte de animali ? Ghe n' è de tre classi, nostrani, esteri, Austria-
 » ci, Bossinesi e Turchi. Tutte ste tre classi già un differente prezzo.
 » I austriaci più costa, manco i nostrani, pochissimo i bossinesi. Sta